

UGOVOR

O SERVISIRANJU MOTORNIH VOZILA ŠKODA I ISPORUCI ŠKODA ORIGINALNIH DIJELOVA

zaključen dana 11.01.2017. godine između:

1. **TRIAB d.o.o.**, Ul. Alipašina bb – Bare Šip, Sarajevo
PDV broj: **201827680001**
koga zastupa direktor Adis Bunjo
(u daljem tekstu Izvršilac)
2. **KJU „Porodično savjetovalište“**, ul. Avdage Šahinagića 14/2
71 000 Sarajevo
ID broj:
koga zastupa direktor Senad Alić
(u daljem tekstu Naručilac)

Član 1.

Predmet ovog Ugovora je vršenje servisnih usluga i popravka motornih vozila i prodaja originalnih dijelova i originalne dodatne opreme Škoda po važećem cjenovniku i normativima Izvršioca, te pranje vozila, a u skladu sa Ponudom Izvršioca od 10.01.2017. godine.

Procijenjena vrijednost ovog Ugovora iznosi cca 2.140,00 KM, bez uključenog PDV-a.

Član 2.

Izvršilac se obavezuje da će:

- po ukazanoj potrebi Naručioca stručno i kvalitetno obavljati servisne usluge i popravke motornih vozila Naručioca u garantnom i vangarantnom roku,
- u roku od 24 sata od momenta dopremanja motornog vozila u servis uzeti u rad,
- na svom lageru obezbijediti neophodne rezervne dijelove za servisiranje vozila uz prethodno dostavljenu specifikaciju Naručioca,
- sve servisne intervencije i opravke vozila Naručioca vršiti u skladu sa planom održavanja vozila, odnosno prema uputama proizvođača istih,
- u skladu sa potrebom Naručioca izvršiti pranje vozila.

Član 3.

Naručilac se obavezuje da će se pridržavati plana održavanja vozila, odnosno uputa proizvođača istih, uključujući primjedbe Izvršioca.

Naručilac se obavezuje da neće koristiti usluge drugih servisa sa područja Bosne I Hercegovine za popravak i održavanje svojih vozila osim u slučajevima kada drugačije nije moguće.

Član 4.

Izvršilac se obavezuje da će se pridržavati svih garantnih uvjeta proizvođača vozila u skladu sa kupoprodajnim ugovorom nakon isporuke.

Član 5.

Izvršilac se obavezuje da će sljedeće ekspresne servisne intervencije izvršiti odmah, odnosno bez prethodne najave Naručioca i to:

- zamjena metlica brisača,
- opravka ispušnog sistema,

- zamjena kočionih obloga,
- zamjena sijalica, kao i druge servisne intervencije koje ne zahtijevaju dugo vremensko zadržavanje.

Naručilac se obavezuje da redovne servise, koji su predviđeni u servisnim knjigama i uputstvima za upotrebu vozila koje preporučuje proizvođač, neće tretirati kao hitne i za njih neće tražiti izvršenje bez prethodne najave.

Član 6.

Izvršilac će cijenu obavljene usluge iz člana 1. ovog Ugovora obračunavati na osnovu specifikacije urađenih poslova, utrošenog materijala i ugrađenih dijelova.

Za izvršene usluge odobrava se rabat u iznosu od 33% (petnaest %) i 10%(deset %) na rezervne dijelove.

Cijene usluga su sljedeće:

1. Rad mehaničara 24,00 KM + PDV = 28,08 KM
2. Rad električara 20,00 KM + PDV = 23,4 KM
3. Limarsko-lakirerski rad 30,00 KM + PDV = 35,10 KM
4. Pranje automobila 6,84 KM + PDV = 8,00 KM.

Naručilac se obavezuje da će račun za izvršene usluge, ugrađene ili isporučene dijelove i materijal platiti u roku od 30 (trideset) dana od dana ispostavljenja fakture.

Član 7.

Naručilac se obavezuje da neće stvarati nove materijalno-finansijske obaveze ukoliko je rok za plaćanje prethodnog računa istekao.

Član 8.

Ugovor se zaključuje sa rokom važenja do 31.12.2017. godine.

Član 9.

Svaka ugovorna strana može pokrenuti proceduru za raskid ovog Ugovora ako druga ugovorna strana ne izvršava obaveze preuzete ovim Ugovorom uz otkazni rok od 15 dana (računajući od dana prijema otkaza).

Član 10.

Ugovorne strane su saglasne da će sve eventualne sporove u vezi izvršavanja ovog Ugovora nastojati da riješe sporazumno, a u slučaju nemogućnosti rješenja spora ugovorne strane su saglasne da spor riješi nadležni sud u Sarajevu.

Član 11.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po dva primjerka.

Član 12.

Ugovor stupa na snagu danom obostranog potpisivanja od strane ovlaštenih lica ugovornih strana.


PRIAB d.o.o. Sarajevo
Adis Bunjo
Broj: AB-002/2017-ul.

24.01.2017. god.


KJU Porodično savjetovaliste
Senad Alić, prof.
Broj: 01-14-3-13.3/17